

*Drolleta d'abrial*

*O*c t'ai reconeguda  
drolleta d'autres còps  
aqueu matin d'abrial  
Cada alba ten paraula.

*Los ribans de ta rauba  
mesclats als boissons blancs  
volatejan tot doç  
sus la sèga florida.*

*Aquel crum plegadís  
al cèl ennivolat  
desplega l'esplendor  
de ta cabeladura.*

*Dos rais del solelhet  
traucant un pauc de bruma  
coma l'arca de seda  
fan flambejar tos uèlhs.*

*Entre doás marcejadas  
me tòrnan los perfums  
de la tèrra banhada  
e l'encens de ta pèl.*

MAX LAFARGA